



Siverth K. Heilmann

9. maj 2019
UPA 2019/44-1

INI A/S-ip, Illuut A/S-ip kiisalu Namminersorlutik Oqartussat illuutaannik aallaqqaataasumik akiliutigineqartartut kattunneqarnissaat pillugu Naalakkersuisut UPA 2020-mut pilersaarusoq-qullugit peqquneqarnissaannik Inatsisartut aalajangiiffissaattut siunnersuut.

(Inatsisartuni ilaasortaq Aqqaluaq B. Egede, Inuit Ataqtigiit)

Inatsisartuni ilaasortaq Aqqaluaq B. Egede, Inuit Ataqtigiit, qujanaq aalajangiiffigissassatut siunnersuuteqarnernut, imatullu Atassut-miit oqaaseqarfigissavarput.

Ukiut qulikkaar marluk ingerlanerini nunatsinni pisortat inissiaataanni illuutaannilu aserfallat-saaliigasuarsinnaanermut aningaasaliissutit annertuumik annikillisarneqarnikuusut tikkuarpat, aningaasarpassuarnik sipaartoqarsimasoq aningaasartuutissarpassuarnillu kinguartiterisimasoqarnerarlugu. Iliuuseqartoqarsinnaanngitsoq aserfallatsaalineqanngisaannartumik imaluunniit aserfallatsaaliinermut aningaasartuuteqanngivilluni iliuuseqartoqarsinnaanngitsoq.

Nunatsinni ilaqtariippassuit akuersarneqarsinnaanngitsumik pitsaanngeqisunillu ineqartikkigut uparuaanerit assertugassaanngivippoq iliuuseqarnerusariaqarpugummi. Inuit Ataqtigiinnili isumaqartoqarsimaguni, massakkut Naalakkersooqatigiit kisimik pisuussutigigaat, tamanna eqqunn-gilluinnarnerassavarput ilissimi Naalakkersuisooqataasarpusi, akisussaaffimmik qimarratiginninit-toqassanngilaq.

Atassut-miit oqaatigeriissavarput, inissiarpassuit 1960-kunni sananeqarsimasut Qallunaat Nunaanniit kingornussimasagut akisusaaffigiumallugit tigusimasagut iluarsaqqitassat akissaqartittariaqarpagut, isatertariaqartutullu nalilerneqartut, isateriarlugit nutaaliorfigisariaqarlutigit. Ilumoorpormi Nunatsinni ilaqtariippassuit pitsaanngeqisunillu ineqartikkigut, aammali pitsanngorsaanermut aningaasaliisaraluartugut, aserorterisoqartarnera ineqartunut inuiaqtigiinnullu akisoqisumik aningaasaleeqqittarnigut uninnaviarunanngillat.

Namminiilivinnissap aqputaa ornitsillugu, akisussaaffiit suli angerlaatinngisarpassuatta saniatigut Kommuunet kattussuunneqareernerisa kingunerisaanik, una oqaluttarfik atorlugu oqariartuutigisarpaput, akisussaaffiit suli Kommuune-ni agguataarnerussagigut, matumani aamma Namminersornerullutik Oqartussat inissiaataasa tunniunneqarnissaat ilaalluinnarput.

Namineq uanga Ineqarnermut Naalakkersuisuullatsiarnerma nalaani kingornunnerartarpakka, inissiat sannarlutat, sanaartornermi nakkutilliisoqarnera pitsaanngitsoq, inissiarpassuit oqoqartut sanaartukkallu pisoqaanngivissut oqoqalersarneri. Renoveringsanlægsfond 1,5 mia kr miss aningaasartaqartoq, inissiarpassuillu pigisagut iluarsarneqassappata 5 mia kr miss akeqartussat.



Kommuunet tamangajammik aningaasarliortut, inissiaatiminnullu iluarsartuussinissanut aningaasaliinerunissanut ajornartorsiortut. Namminersorlutik oqartussat illoqarfinni nunaqarfinniluunniit pitsangorsaannissanut nutaaliornernulluunniit aningaasaliisernerit il il. Atuarfiit pisoqalisut isater-tinneqartut nutaaliorfigineqartullu, ilinniarfinnik allilerinerit.

Nuup avataaniittunut siaarnerullugu sanaartornerunissamik kissaateqartarnejq malikkaluarlugu, Naalackersuisut nikinnerisigut finanslov-imiittunik paaaffigineqartarnejq pakatsinartaqisoq puujor-simangilagut, matumani aamma Inuit Ataqtigiit akisussaaqataasarsimanagerat nipangiusimarusungilara. Pingaerneruvoq paaseqatigiinnissarput torersumillu inatsisartuni suleqatigiinnissarput.

Atassut-miit inatsisartuni ineqarnermut aaqqissuussinissat matumanilu akisussaaffit kommuune-nut nuunneqarnissaannut, inissiaatileqatigiiffiillu pillugit Naalackersuisut inatsisartunut paasissutissiinerat aallaavigalugu tusaatissatut tiguarput, kaammattuutigissalluguli iluarsartuussinissamut aningaasaliinerunissarput siunertaralugu, ukiamut aningaasanut inatsisissap suliarineranut atatillugu pimoorullugu sulissutigissagipput.

Qujanaq.